

13. gr.

Nú veikist vistmaður á ný, þannig að hann er fyrirsjáanlega óvinnufær um lengri tíma, skal þá leitast við að koma honum hið fyrsta á viðeigandi sjúkrahús. Slíkur sjúklingur á síðar, að fengnum bata og vinnuhæfni, forgangsrétt að vist á heimilinu á ný.

12

24. jan.

14. gr.

Yfirlæknir og forstjóra er heimilt að vísa vistmanni burt af heimilinu, ef hann óhlýðnast hegðunarreglum heimilisins eða verður uppvis að endurtekinni vanrækslu við störf sín.

15. gr.

Nú er vistmaður brautskráður af heimilinu að lokinni vinnuþjálfun og námi og skal þó stjórn heimilisins ávallt leitast við, ef hann hverfur ekki að ákveðnu heimili eða atvinnugrein, að útvega honum starf, er hún telur við hans hæfi.

16. gr.

Reglugerð þessari getur miðstjórn Sambands íslenskra berklasjúklinga breytt, að fengnum tillögum framkvæmdarstjórnar og yfirlæknis, enda verði breytingarnar staðfestar af heilbrigðismálaráðherra.

17. gr.

Reglugerð þessi staðfestist hér með samkvæmt lögum nr. 30 19. júní 1933 til að öðlast gildi þegar í stað og birtist til eftirbreytni öllum þeim, sem hlut eiga að máli.

Heilbrigðismálaráðuneytið, 24. janúar 1945.

Finnur Jónsson.

Ragnar Bjarkan.

REGLUR

13

30. jan.

um greiðslu bóta fyrir eignir íslenskra skipverja, þær sem farizt hafa við sjóslys.

Samkvæmt fyrirmælum 41. gr. sjómannalaga, nr. 41 19. maí 1930, eru eftirfarandi reglur settar.

1. gr.

Útgerðarmanni ber að greiða bætur fyrir eignir íslenskra skipverja, þær er farizt hafa við sjóslys, og greiðast bæturnar eftir þeim reglum, sem hér fara á eftir.

2. gr.

Bæturnar skulu nema sannvirði eigna þeirra, er fórust, og þó aldrei fara fram úr þeirri upphæð, sem hér greinir á eftir, nema samið hafi verið um hærri bætur.

- A. Á skipum í utanlandssiglingum, á flutninga- og farþegaskipum í innanlands-siglingum 50 rúmlesta og stærri, svo og á varðskipum ríkisins, björgunar-skipum, togurum og fiskiskipum yfir 50 rúmlestir:
- | | |
|---|-------------|
| a. Til skipstjóra | kr. 1800.00 |
| b. Til annarra yfirmanna að meðtöldum brytum og loftskptomönnum | — 1700.00 |
| c. Til annarra skipverja | — 1600.00 |

- 13 B. Á fiskiskipum frá 12—50 rúmlestir í innanlandssiglingum:
30. jan. a. Til yfirmanna kr. 1200.00
 b. Til annarra skipverja — 1100.00
 c. Á skipum 12 rúmlesta eða stærri, er skipverjar búa ekki í, til skipverja — 500.00
 Á upphæðir þær, sem um getur í A- og B-lið, skal greiða verðlagsuppbót. .

3. gr.

Nú hefur skipverji misst við sjóslys bækur, sjófræðiáhöld, smíðatól eða annað slíkt, er hann þurfti að hafa á skipi til þess að geta innt þar af hendi starf sitt, og hann átti sjálfur að leggja sér til, og skal þá útgerðarmaður bæta honum þessar eignir, umfram bætur þær, er ræðir um í 2. gr.

4. gr.

Nú er sá maður látinn, er átti eignir þær, sem bæta skal, og ganga þá bæturnar til bús hans eða erfingja. Skal, er þannig stendur á, greiða hámark bóta samkvæmt 2. gr.

Sé sá, sem eignirnar átti, hins vegar á lífi, skal honum skylt að gefa að viðlögðu drengskaparorði, skýrslu um muni þá, er hann hefur misst, og sennilegt verð þeirra.

Reglur þessar öðlast gildi 15. febrúar 1945 og falla þá jafnframt úr gildi reglur nr. 61 10. júlí 1931, um sama efni.

Atvinnu- og samgöngumálaráðuneytið, 30. janúar 1945.

Emil Jónsson.

Vigfús Einarsson.

14

1. febr.

AUGLÝSING

frá atvinnumálaráðuneytinu.

Samkvæmt heimild í lögum nr. 11 frá 12. febrúar 1940, um sölu og útflutning á vörum, hefur atvinnumálaráðuneytið ákveðið að leyfa ekki útflutning á ísuðum fiski í erlendum flutningaskipum, öðrum en færeyskum, nema hann fari fram á vegum ríkisstjórnarinnar og er því öllum öðrum óheimilt að flytja út ísaðan fisk með slíkum skipum.

Sá ágóði, sem verða kann af þessum útflutningi, verður notaður til verðjöfnunar og til fyrirgreiðslu á útflutningi fiskisins og annarri hagnýtingu aflans, eftir nánari ákvörðun ríkisstjórnarinnar.

Atvinnumálaráðuneytið, 1. febrúar 1945.

Áki Jakobsson.

Gunnl. E. Briem.